

November 2023

## SKANDINAWIË NADERE BESONDERHEDE 4 – 17 Junie 2024

**Prys:** R89 500 per persoon plus lughawebelasting en foonitjies van ongeveer R8 298 en koste van visum en reisversekering, wat volgens eie behoefte bepaal word (sien NIE INGESLUIT BY DIE TOERPRYS NIE).

### INGESLUIT BY DIE TOERPRYS:

- Vlieg met **KLM Jhb – Amsterdam – Stockholm** op **4 Junie** vir aankoms op **5 Junie**
- Reis per luukse bus deur Skandinawië en besoek die hoofstede van Finland, Swede en Noorweë en van die mooiste plekke in Noorweë
- Onvergeetlike oornagvaart van Helsinki na Stockholm in kajuite met buitevensters
- Treinrit van Stockholm na Oslo
- Besoek 'n glester en 'n gletsermuseum
- Wêreldbekende treinrit van Flam na Vatnahalsen waar groep oornag. (Kan slegs met 'n trein daar kom). Reis volgende dag voort per trein na Myrdal en Bergen
- 'n Uiters gewilde toer met talle verrassings en met die klem op natuurprag.
- Twee uitgebreide etes daaglik
- Vlieg op **16 Junie** met **Air France: Bergen – Parys – Johannesburg** vir aankoms op **17 Junie**

### NIE INGESLUIT BY DIE TOERPRYS NIE

- Lughawebelasting/brandstofheffing: ± R6 528
- Foonitjies vir gidse, busbestuurders en hotelpersoneel: R1 770  
U betaal dit vooraf in Suid-Afrika sodat u nie u sakgeld daarvoor hoef te gebruik nie
- Reisversekering waaroor u later volledige besonderhede sal kry
- Verkryging van paspoorte en visums. U benodig 'n Noorse Schengenvisum wat ± R2 100 kos. U moet self in Pretoria of Kaapstad daarvoor aansoek doen – ons verskaf betyds volledige inligting oor die visumaansoekproses
- Middagetes en/of versnaperinge
- Binnelandse aansluitingsvlugte na Johannesburg: Reël self of deur ons
- Vervoer na en van Johannesburg en ander binnelandse lughawens
- Hantering van bagasie by hotelle in Skandinawië is opsioneel: ± R300 – R500 (hang af van hoeveel bagasie)
- Persoonlike uitgawes op die toer, bv. u eie eet- en drinkgoed, telefoonoproepe ens
- Enkelkamerbybetaling: R13 500

### ENKELVERBLIF

*Toerlede kan enkel-akkommodasie kry, mits hulle bereid is om 'n bedrag by te betaal. U spaar baie indien u 'n kamermaat het. Probeer gerus 'n kennis oorreed om saam te gaan. Ons probeer om vir enkellopende toerlede geskikte kamermaats te vind, **maar staan onder geen verpligting om dit te doen nie.***

### INSKRYWING

'n Inskrywing is eers geldig wanneer ons u Inskrywingsvorm, Vrywaring en deposito ontvang het. Die Inskrywingsvorm moet volledig voltooi word met u **volle name soos dit in u paspoort verskyn!**

Nadat u ingeskryf het, ontvang u Omsendbrief 1 met alle nodige besonderhede in verband met klere wat u moet saamneem en dies meer. Daarna ontvang u nóg omsendbriewe met nuus en inligting.

## BEREKENING VAN TOERPRYS

Die toerprys is onderhewig aan 'n minimum van 10 ingeskrewe toerlede en is uitgewerk per persoon wat deel. Soos met enige ander toer is hierdie toer ook onderhewig aan faktore buite ons beheer soos wisselkoersveranderinge, lughawebelasting en brandstofpryse wat die toerprys en toerdatum kan beïnvloed.

Dit was nog altyd ons beleid om nie ligtelik 'n toerprys te verhoog nadat dit vasgestel is nie.

## DEPOSITO

Die Toerdeposito beloop **R10 000 per persoon**.

## BETALING

Die volle toerprys plus alle ander geld (fooitjies, versekering ens.) vir die toer moet vóór 4 Februarie 2024 betaal word. (Tref asseblief vroegtydig die nodige reëlings dat u geld betyds beskikbaar is.)

## WYSE VAN BETALING

- Vliegkaartjies en lughawebelasting kan per kredietkaart of direk aan CvW-Toere betaal word. U sal op die Vliegkaartjiesbestelvorm wat u met Omsendbrief 1 ontvang, u keuse van betaling kan invul.
- **Bankdeposito/EFT:** Die res van die toerprys (landreëlings) word direk aan Christine van Wyk-Toere betaal deur inbetalings/elektroniese oorplasinge, **nadat u inligting in 'n omsendbrief daarvoor ontvang het.**
- **Kontantinbetalings:** Alle geld wat in banknote inbetaal word, moet die ekstra kontantinbetalingskoste insluit. Vra asseblief u bank hoeveel dit beloop (ongeveer **1% van die inbetalingsbedrag** kan hiervoor begroot word).

### Bankbesonderhede:

**Christine van Wyk-Toere**

**Standard Bank Tjekrekening** (Lopende rekening / Current account)

Takkode: **051001**

Tjekrekeningnommer: **410 722 782**

**NB: Gebruik u voorletters en van as verwysing** (nie die toer se naam of u noemnaam nie) **met betalings!**

## KANSELLASIE

Indien u genoodsaak is om u toer te kanselleer, geld die volgende voorwaardes en terugbetalings:

Ingeskrewe toerlede wat vóór **4 Februarie** skriftelik kanselleer, kry **R9 000** per persoon van die toerdeposito terug. Indien 'n toerlid genoodsaak is om vanweë siekte te kanselleer voordat die finale toerprys betaal is (dit wil sê vóór 4 Februarie 2024), word die volle deposito minus R500 per persoon by voorlegging van 'n doktersertifikaat terugbetaal.

Sodra die nodige reisversekeringspolis wat vir kansellasiedekking voorsiening maak uitgeneem is, kan u, indien u moet kanselleer, u geld vanaf die versekeringsmaatskappy terugeis. Dit geld slegs indien die rede vir kansellasië kragtens die polis aanvaarbaar is. Volledige besonderhede oor reisversekering word aan almal wat inskryf, gestuur.

**Toerdeposito's van toerlede wat kanselleer, word terugbetaal sodra CvW-Toere u volledige bankbesonderhede skriftelik ontvang het.**

## VLIEGKAARTJIES EN EIE VLUGTE

Alle vliegkaartjies word deur **FERNWEH TRAVEL** uitgereik. Die toerprys sluit vliegkaartjies in, maar nie lughawebelasting en binnelandse aansluitingsvlugte na en van Johannesburg nie.

Indien u nie die groepvlug gebruik nie, kan die koste van die groepvliegkaartjie van die toerprys afgetrek word. Die afslag ter sprake is **R12 590**

Konsessiehouers en persone met eie vlugte kan hulle in Stockholm, of waar elders ooreengekom, by die toergroep aansluit

## WEGBREKERS

Dit is moontlik om voor of ná afloop van die toer op u eie te reis (met ander woorde van die bestaande toerprogram weg te breek). Die lugdiens hef 'n wegbrekersfooi van ongeveer R500 indien u u groepvlug wil aanpas.

## PASPOORTE (DRINGEND!)

Maak asseblief seker dat u paspoort vir minstens 3 maande ná u terugkeerdatum uit Europa geldig is. Daar moet ook genoeg skoon bladsye, vir veiligheid minstens drie, in u paspoort wees. Dit is vir visums en doeanestempels.

**MINDERJARIGES WAT SAAM MET U REIS (Indien van toepassing)**

**BAIE BELANGRIK:** Alle visumaansoeke vir minderjariges moet saam met 'n oorspronklike *unabridged*-geboortesertifikaat ingedien word. 'n *Unabridged birth certificate* verskil van die standaardgeboortesertifikate wat deur Suid-Afrika se Departement van Binnelandse Sake uitgereik word. Dit bevat onder andere die kind asook albei ouers se volle name en identiteitsnommers op één, amptelike dokument.

Kontak ons indien u beplan om minderjariges saam met u op reis te neem.

**GESONDHEID EN TOERFIKSHEID**

Dit is vanselfsprekend dat iemand wat oorsee wil reis, se fisieke en emosionele gesondheid van só 'n aard sal wees dat hy/sy redelik onafhanklik oor die weg kan kom.

Hierdie toer is nie veeleisend nie maar toerlede wat nie onafhanklik oor die weg kan kom nie, moet 'n toermaat/familielid saamneem wat hulle kan help en na hulle kan omsien sodat hulle nie heeltyd van mede-toerlede afhanklik sal wees of die groep se belange op enige manier benadeel nie.

Basiese riglyne vir toerfiksheid is dat 'n mens onafhanklik in en uit 'n toerbus of boot moet kan klim, onafhanklik 'n stel van 15 trappe, insluitend roltrappe, kan klim en ongeveer 1 km op jou eie moet kan stap. 'n Mens moet deurentyd jou eie handbagasie kan hanteer en bereid wees om jou groot (inweeg)tas by jou hotelkamer te besorg indien daar nie bagasiediens beskikbaar is nie. U moet bereid wees om op eie koste 'n huurmotor te gebruik indien 'n besoekpunt tydens die toer vir u te ver is om te stap. Indien u nie aan hierdie riglyne voldoen nie, MOET u iemand saamneem wat na u kan omsien.